



咨



參議院彈劾司法次長呂志伊違法咨大總統請核辦文

二月初十日司法部次長呂志伊函告鄂軍政府軍務部長孫武加本院參議員劉成禺以違背國憲之罪應予捕懲並轉呈黎副總統決定辦法當經黎副總統電復大總統及司法部伍總長斥駁其非查此案關係行政官逮捕議員苟非有違背國憲之確據而欲施行其逮捕實爲各國憲法所不容該次長所稱劉成禺在參議院議場中出言不慎謂明朝何如本朝何如云云此等言論之有無姑置弗論即令有之亦不過出言偶爾失慎斷不能指爲違憲之確據且議員在議場發言對於院外不負責任該次長身爲司法行政官何得濫行干涉又以湖北首先起義未敢遽行捕懲並向黎副總統請示辦法種種違法實難姑容茲經本院參議員劉成禺提議當衆公決該次長違法之要點有四

一 凡議員在院內發言對於院外不負責任該次長於議員院內之言論橫施干涉深文羅致違法者一

一 凡議員在會期中除現行犯及內亂外患罪外不得逮捕該次長乃指摘議員莫須

有之發言應行捕懲之左証蔑視議院蹂躪民權違法者二

一本院議員代表全國非一地方所得而私大總統爲行政首長亦無懲治議員之權該次長乃遠告於鄂軍政府之軍務部而請示辦法於副總統身爲職員故紊權限違法者三

一參議院爲立法之府參議員犯法雖不視齊民有加亦斷無特別未減之理劉成禺如果違法自應按法治罪該次長何得藉口首先起義之邦公然緩逮既枉法又市恩違法者四

以上種種違法偷置不糾繩則立法機關可以隨時橫遭蹂躪民國前途何堪設想固不獨劉成禺呂志伊二人之關係已也本院認爲呂志伊既如此違法實不能勝司法次長之任惟應如何懲處卽請大總統核辦咨復並抄附呂志伊致孫武函及黎副總統電復大總統暨司法部伍總長各件此咨

大總統咨覆參議院彈劾司法部次長呂志伊違法定文

接二月廿八日來咨自係爲尊重立法權保障言論自由起見誠無可非難之理惟查法

律最重方式苟方式一有不備即不能發生效力此次司法次長呂志伊所發之函係私人書信在法律上無施行之效力不能認爲正式公文該私函所述僅係發表箇人之意思並無行爲在法律上亦無徒據箇人之意思不問其有無行爲遽認爲有效之理來咨以欲施行三字斷之未免重視意思而忽畧行爲矣貴院議員劉成禺現仍在參議院照常發言身體言論毫無阻碍據此即不能斷定呂志伊有不法干涉之行爲既無不法干涉之行爲則來咨所指蔑視議院蹂躪民權之事實皆不成立矣來咨對於議員劉成禺出言不慎一事謂即令有之亦不過偶爾失慎不能指爲違憲之確據今呂志伊用私人信函轉託請示辦法於副總統亦有如來咨所謂出言偶爾失慎之嫌本總統何能爲之諱抑共和國之下立法權固當倍加尊重而行政權亦不宜輕蔑司法次長繫民國之望遽爾因其私函之意思彈劾不職恐非民國之宜美國百年以來議院彈劾行政官不過數次誠互相尊重維持之至意當茲民國初定常人亦不能無過激之意思其未見於行爲者自不必深求亦不能以其爲司法次長而遽據欲施行三字加等深文也此咨

內務部咨司法部嚴令所屬各官廳一律停止刑訊文

頃奉大總統令開近世文化日進刑法之目的亦因而遞嬗昔之揭威嚇報復爲幟志者今也則刑罰之目的在維持國權保護公安人民之觸犯法紀由個人之利益與社會之利益不得其平互相抵觸而起國家之所以懲創罪人者非快私人報復之私亦非以示懲創使後來相戒蓋非此不足以保持國家之生存而成入道之均平也故其罰之程度以足調劑個人之利益與社會之利益之平爲準苛暴殘酷義無取焉前清起自草昧之族政以賄成視吾民族生命會草菅之不若教育不興實業衰息生民失業及其罹刑網也則又從而鍛鍊周納以成其獄三木之下何求不得彼虜不察獎殺曷殘殺人愈多者立膺上考超遷以去轉相師法日糜吾民之血肉以快淫威試一檢滿清史館之所紀載其所謂名臣能吏者何莫非吾民之血跡淚痕所染成也本總統提倡人道注重民生奔走國難二十餘載對於亡清虐政會申其罪狀布告中外人士而於刑訊一端尤深惡痛絕中夜以思情逾剝膚今者光復大業幸告成而五族一家聲威遠暨亟當肅清吏治休養生民蕩滌煩苛咸與更始爲此令仰該部轉飭所屬不論行政司法官署及何種案件一概不准刑訊鞠獄當視證據之充實與否不當偏重口供其從前不法刑具悉令焚

燬仍不時派員巡視如有不肖官司日久故智復萌重煽亡清遺毒者除褫奪官職外付所司治以應得之罪吁人權神聖豈容弁髦刑期無刑古有明訓布告所司咸喻此意此令等因奉此除令京內所屬官廳照辦外應即咨請貴部速令各審判廳一律遵令辦理又查司法機關雖係獨立而現在各省府廳州縣所有裁判職權尙多混入行政官廳以內應由司法內務兩部會電咨行各省都督嚴令所屬官廳無論行政司法一律停止刑訊以重人權而免冤讞茲由本部擬就電稿咨請貴部查核有無增減之處希即咨覆以便施行此咨

令示

大總統令滬都督轉飭財政司即日停止發行公債票文

據財政部呈稱此次發行中央公債票原以統一財政鞏固信用前因報載上海發行公債票廣告一則當由本部援鄂軍政府成案咨請滬都督轉飭財政司迅將廣告停刊等因在案迄今多日未得咨覆昨閱大共和日報仍載此項廣告其中仍有商明本部長定以三百萬元爲限等語查滬軍政府發行債票誠爲救急之舉其在中央債票未發行

以前所售之票本部長准其發行其在發行中央債票以後所有滬軍政府未售之票卽當截止屢經王震朱佩珍二君來部相商俱以此對本部長並未認可三百萬元之數乃今閱報載廣告所云事實全不相符傳聞難免誤會本部長職權所在竊有不能已於言者姑勿論購票之人財力有限此盈彼絀無裨實益但以上海一隅卽有兩種債票之流行非特有傷國體抑恐貽譏外人况民國初立萬端待理各省均有度支匱絕之虞若皆紛紛援例目前虛糜之害猶小政出多門之誚尤大本部忝掌全國財政長此紛歧錯出將何以收整齊劃一之效除咨滬軍都督外爲此呈請大總統俯賜察核迅電滬軍政府轉飭財政司將上海公債票停止發行無庸續售並請查照前咨將已售出之債票查明號碼數目詳細列冊尅日報部以憑稽核一面仍來部續領中央債票繼續辦理俾昭統一等因前來查該部所呈爲免紛歧而昭信用起見中央公債票既經發行上海公債票應卽停止自是正辦爲此令仰該都督卽行轉飭上海財政司將上海公債票卽日停止發行並查照財政部前咨將已售之債票查明號碼數目詳細列冊尅日報部一面到財政部續領中央債票繼續辦理俾昭劃一切切此令

大總統批雲南留日畢業生楊文彬爲被嫌久拘請省釋呈

呈悉該生因嫌被滬軍都督府拘留應候滬軍都督訊明發落已將原呈發交滬軍都督乘公核辦所請提甯質訊之處着毋庸議此批

大總統令滬都督核辦雲南留日畢業生楊彬文爲被嫌久拘請省釋文

據雲南留日畢業生楊文彬呈稱被嫌久拘請予省釋等情前來查該生係因嫌由該都督拘留如訊有觸犯民國法令確據自應予以制裁倘係無罪即可早日復其自由爲此令仰該都督遵照前情乘公核辦原呈并發此令

實業部批吳綸森請查勘上海寶山界內荒地呈

所陳查勘上海寶山界內荒地既非墾荒事宜毋庸稟請本部立案業已呈請滬軍都督仰候批示飭遵可也

實業部批安甯墾牧公司總辦曹錫圭請創辦農林墾牧總局呈

呈悉該總辦既有欺可籌可卽作爲農林墾牧公司辦法相定地點繪圖計畝呈請立案

不必以個人欸項辦政府應辦事業致混公私界限啓將來糾葛之患此批

實業部發給蕪湖益新公司准緩追欸示

爲出示保護事據蕪湖益新公司經理章兆奎陳明公司困難情形籲懇出示保護並註冊立案等情到部除批示續准註冊外查原呈稱該公司於丁酉年集股銀五萬兩購機磨麵軋米丁未年添招股銀十萬兩換購新機已酉年失慎損失甚鉅是年雖設法規復而欠欸未歸運本無出又值市面奇絀金融恐慌不得已刊登廣告代客磨麵軋米榨油收取工資藉支危局種種困難係屬實情現正急籌補救冀有轉機若急追欠款迫不容待則涸竭立見支持維艱何以籌進行而收後效該公司於幾經磨折之餘卒能力持不敗則經營有方發達自易欠款暫懸不至無着蹶果復起假豈不歸本部爲維持商務策勵進行起見合行給示爲此示仰知悉此刻欠款雖准緩追一俟市面恢復營業暢旺所有各欠亦須早爲清償不得久延既保該公司名譽又全各莊號血本本部有厚望焉切特示

實業部批羣僑積聚興業銀公司總理徐銳控梁炳農久欠不還藉端

延宕呈

呈悉梁炳農久欠不還妄冀以公產作抵殊屬不合仰候分別照會英副領事札飭會審
謝員傳案嚴追可也

實業部批向漢卿姜眉仙等牙帖條陳

披閱來稟所陳不爲無見查牙帖一項向歸部司專管未便箇人籌款設立局所以致侵
越行政權限所請設局及辦事細則應無庸議惟改良牙稅整頓行規一洗滿清積弊博
採歐美良制裕國課而恤商艱是則本部實所厚望仰該生等妥籌條例詳細呈覆靜候
虛衷採納以期爲國効用勉之此批

實業部批粵商崔同龢等請採辦米糧運粵以濟民食呈

據呈粵省民食不足擬在江北買米接濟實爲當務之急該商等系懷桑梓移粟救飢熱
忱可嘉惟江蘇江北連年災歉去年雖有收穫究竟有無餘蓄能否採買運輸接濟外省
仰候咨請江蘇都督查覆再准給照採運此批

實業部批江安漁業公會請設漁稅局呈

呈悉漁稅係國家正課自應設局徵收本部現正妥訂漁業一切章程雖未發行然凡設立公會者發起人擬訂會章預算外亦須作漁稅徵收法之議案一併呈部是文明國漁業公會章程通有之例仰該公會遵照辦理此批

實業部批涂黃閣請振興松桑呈

呈悉蠶桑爲我國大利松苓亦藥用要物種植製造大都拘守陳法改良無術致天然美利不免遺棄深爲可惜推原其故實由無人研究又乏專書該生搜羅舊著編輯新書足見研求實業深堪嘉許惟細閱所呈松桑富國新書稿本止有松苓一類未及蠶桑既與書名不符體例亦未盡妥善所請頒行發刊應從緩議稿本併存此批



紀事



大總統追悼革命死義諸烈士文

中華民國元年三月朔臨時大總統孫文率國務卿士文武將吏以清酌致奠於近二十載以迄今茲革命死義諸烈士之靈

嗚呼古有死重泰山寶逾尺璧或號百夫之防或作萬人之敵競雄角秀同歸共跡企闕

水於千齡奮衝颯於一息有明庇天下之大賜而不尸其功有陰定社稷之大緒而不露其迹先改絃易轍之會而滌其苛網去其螟螣還國家幾頓未頓之元氣開中外欲洩未洩之胸臆吁嗟羣靈甯或痾之維靈從容尙鑒在茲日月燿燿不謂無昔前仆後繼不謂無基孰閔厥積而誦之施孰豐厥遇而促之期孰爲成而孰爲毀羌維靈其知之粵以嚳曩甲乙歲紀外侮內訌絲紛叢委尤有蝨賊拊心爲宄猗歟羣靈南服崛起灼爍其眸龍鱗其趾辟彼太阿一出剽兇朱陸邱程竭蹶支撐萬古晨昏山嶽螻蟻白日青天寸衷可指奈一絳而妬穿冢萬載之交毀拮据匍匐頓成疥癩當道豺狼毒蛇封豕嗚呼羣靈何爲罹此失意傷神魂魄遂褫懷抱冤阻天崩地圯此豈猶曰天道不遠而伊邇邪又孰知乎精神洞契而成合乎千古之知己邪嗣乎筆路籃縷草萊以修人亦有言聲應氣求去秕與蕪不盡不休噓枯植弱俾之出幽聯袂翩翻異地同舟轟轟揚禹煌煌史鄒濼濼滬江隆隆惠州梁洪影彰於嶺海吳彈焜焜於燕幽奚皆天闔未扃天聽無繇嗚呼彼蒼念茲悠悠云何羣烈爲國宣猷而乃美弗終逮果靡與收歿不隔下殮不安軻豈真不隔我衷而卒值其尤迺有徐熊競興聯纛紫冠佩珊瑚燧燧燿燿如機軋軋寸累鋒顯

芒寒斂以越砥荃竟不須瞑不視只繇是四海悉聽頸延踵企萍鄉標蠹飲廉焱起雄飛
鎮南之關鶴突珠江之涘赫矣溫侯難揄悠揚而何先驅乎黃花之岡之七十有二也雖
然燭鮑武漢影綳聿渲漫瀾大江漩漩來還南部陸離旬月之間而我老彭收功彈丸駑
夫戰雲變濛濛起於江關我師我旅馭選駢闐熊羆虎豹以逮裨偏其血骨雪赤心燦金堅
者又何可勝觀縷也今也言合南朔相與嗅熏殷念羣靈進予一言嗚呼此日何日此恩
何恩殷念羣靈生死骨肉豈惟涼溫撫我芸芸微靈其何以朝饗而夕殮何靈之去而無
與解簪贈珮以佐其輶紉之轅大年何靳大化何旋嗚呼剗剔固艱孤特尙焉彼論者或
猶求全曾不知匪勞豈愛有缺斯圓茲也既生既育苟合苟完夫孰非我靈之所延嗚呼
可謂賢矣化莫巧於推遷物不逃乎機緣值其泰雖凡卉其昭蘇比其屯雖芳華而顛
連夫安諭宙合軌陰陽盪孰使之然而自然余願靈之衍衍偕物化其連蜷余弗獲擁靈
而執鞭而拂韉乃徒修蕪詞而祝豆籩嗚呼嗚呼矣惟然靈有知乎豈其無鑒乎余之拳拳
尙饗

外交部爲和官橫暴事致上海華僑聯合會文

上海華僑聯合會鑒頃接北京電開沁電計達頃接駐和劉代表電稱迭次嚴詰和政府據稱泗水肇釁由該處華人迫令華甲必丹及馬腰等官升旗并脅閉各店和官彈壓傷斃共三人該華人等藉端鬧事其實與國旗無關至孟嘉錫肇釁未悉原因并謂已由藩部電知爪督承認國旗當速商藩部再電爪督務令格外寬和辦理此次不俟中華民國新政府成立先行承認國旗足表睦誼等語外部頃又據和員使來告已得和屬地方官復電嗣後升旗可通融不加禁阻惟以華僑不妨害治安爲限除再商釋禁撤兵外希接洽并轉上海華僑聯合會紹儀勘等因特轉外交部東

財政部

呈大總統飭各部
咨

辦理預算文


爲 呈請事 竊維 節流開源制用必量乎出入用兵行政負擔宜謀於國民顧自軍興以來咨 餉糈浩大羅掘紛繁小民不免乎怨嗟司農莫憑以籌計當日艱難勑造固不能責備求全此時統一垂成自不可紊然無緒查各國財政皆有預算以謀收支之適合其預算案之編製英由財部美由議院今我政尙共和宜採美制雖政府行將統一綜籌全局者當自有人而目前費用孔繁職掌度支部者何從措手况交替在即尤宜預爲整備略示規

模否則紊亂糾紛竊恐貽議來者應請飭下各部迅將三月分應支款項編具概算書限

十日內送交本部由本部添具收入概算書彙送參議院編成預算以憑籌辦為此

呈請
備咨

大總統伏希
貴部請頌 查照施行 謹呈 須咨



雜報

公報局廣告

頃接陸軍部來函稱招攷入伍生隊告示考驗科目條內添刊歷史地理兩科特此通知



臨時政府公報 附錄

中華民國元年三月三日星期日

隨報附出 不另徵費

電報

蘇州莊都督鑒上海電云據米業董事報告鎮江關食米弛禁輪船紛紛往運滬市聞此風說米價已騰若任聽輪運出口不特價貴可慮且恐來源缺乏目下兵士雲集危險可虞務懇迅飭鎮軍分府禁止輪運出口以顧民食而靖地方上海總分商會儉等語事關民食亟應查復總統孫文

(南京去電八十)

上海陳都督鑒據駐滬通商交涉使來電云本月廿四日有胡承誥者爲上海開北光復軍騙出租界被拘營次將責以報効軍餉十萬元當以籌餉與捕犯係屬兩事胡承誥既非有罪認捐軍餉自有私權今乃逮捕無辜勒令報効鉅款殊非情理之平函致滬軍都督陳光復軍統領李飭令釋放在案乃迄未准放現在駐滬領事團因此事有碍治安深抱不平應請電飭滬軍都督陳開北光復軍統領李卽行釋放以免橫生枝節盼切溫宗

堯感等語應請飭查明立予釋放總統孫文

(南京去電八十二)

上海民立報轉各省都督鑒本局於三月初一日奉大總統頒發印信一方文曰公報局之印即日啓用除呈報大總統外特聞公報局長但懋東印

南京孫大總統各部總次長參議院新舉袁大總統各部署各省都督各省督撫各司令官各報館均鑒敝省奉南京內務部通飭將各行省所屬各部一律改稱爲司不得不稍有更動毫無他故安靖如常恐傳聞失實特此奉聞元洪

(武昌來電八十二)



總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日爲限過期揭去嗣後凡來本府投遞呈件人等希一體知照總統府秘書處白

總統府印鑄局工廠開工廣告

本局昨奉

大總統命令已將南洋印刷工廠收歸印鑄局管理故定名曰印鑄局工廠茲已將貨料購製完備定於初五日開工所有印刷物品不特可供國家之取用而報商各界如有願交易者請隨時到廠與營業科接洽庶不至誤至各品價目均係斟酌至富無論何人決不欺飾特此佈告俾衆咸知

黃復生 謹白
彭丕昕

印鑄局工廠發行所廣告

(住花牌樓吉祥街)

本局發行所接收伊始所有從前印刷兵學操典及信箋摺券各項現以民國成立各界購用者甚夥刻經酌定減價統限大洋七折出售若有購至二十元以上者以六折計算如承 賜顧無不竭誠歡迎但所存無多切須爭先購買幸毋觀望自誤 印鑄局謹白

教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民諷誦良用慙焉本部現擬徵集國歌譜俟取材較多再敦請精於斯學者共同審定頒行全國倘蒙海內音樂名家作曲譜並附歌詞郵寄本部不勝企盼之至

教育部謹啟

教育部通告

本部現因學校尙未頒布故於辦理學校之人到部呈請立案者一概從緩批准誠恐外間或有誤會爲此登報聲明嗣後學校經本部批准立案者必以登載公報有准予立案字樣者爲憑此布

臨時政府公報局告白一

各省官廳所有暫行條件命令及職員之任免遷轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄送本局登載公報藉規地方之情況而彰民治之精神

臨時政府公報局告白二

各處有願爲公報販買所者可將領報份數及販買區域本人之姓名年齡職業住所及販買章程呈送本局核定並須酌交保證金其保證之金額由局長定之

臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條即飭發行所照寄空函定報概不答覆

本報暫定則例

一 本報爲臨時政府刊行故定名爲臨時政府公報

二 本報以宣布法令發表中央及各地政事爲主旨

三 本報暫定門類六曰法制曰咨曰令示曰紀事曰抄譯外報曰雜報其
子目見前

四 本報日出一冊如遇國家紀念日星期日政府停止辦公時本報亦休
刊一日

五 政府對於各地所發令示或宣布法律凡載登本報者公文未到以本
報到後爲有效

六 凡各官署皆有購閱本報之義務唯具印文請領者皆照定價五折徵

納餘另詳前價目表

本報白

本報局設在大總統府內

總發行南京花牌樓太平街四號

分售處南京中華報

南京中正街昇平橋易安精舍

外埠經售處

鎮江 興漢日報

常州 大街老王大昌

無錫 光復門內新橋二十一號曾瑞武

蘇州 城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

中外日報

上海 寶善街公順里仁和號

蕪湖 民立報分館

廣州 中國日報

香港 軍事報

天津 民意報

舊金山 大同報

中西報

少年報

檀香山 自由新報

印刷所 臨時政府印鑄局工廠